

COMUNICATO n. 2719 del 01/10/2021

Traduzione in cimbrio

## **Inngian in di servitzi online: von 30 von herbestmånata geata in pensiong da sicharkart/security card**

**Atz 30 von herbestmånat, bartz soin dar lest tage boma mage nützan di sicharkart, an sistèm zo giana inn in di offentliche servitzi online. Di sicharkart iz khent inngerichtet zo maga vennen iantrar di servitzi ena zo mucha hãm ‘z mèkkndle zo lesa di smart kart odar an komputer pittn progråmm.**

**Sidar långa zait, geatma inn in di didjitalservitzi vodar öffentle vüarum pitt modernege sisteme azpe di didjitalidentitét (Spid), di elektronik identitètkart (Cie) odar di gesunthaitkart (CNS/CPS).**

**Von earstn von djar 2021 zo giana inn in di offentliche servitzi online pittar sichare kart/security card, soin gest 343 tausankh, von zirka 24 tausankh trianar aftnan gântzan vo 2 mildjü vo inntretum.**

**In da gelaichege zait, dar sistèm Spid hatt redjistrart 1,12 midjü inntretum, darnå di gesunthaitkart genützt 378 tausankh vert.**

**Vor ditza khöbar in 24 tausankh trianar boda no nützan da “sichar kart”, zo nütza in Spid, a naügar natzional standard.**

Di lestn von hornung 2021, di offentliche vüarum hãm inngerichtet di didjital servitzi, pitt digitalidentitét, azpe Spid, elektronik identitètkart (Cie) odar gesunthaitkart (CNS/CPS).

In Trentino di Kamoünder, pittar Provintz vo Tria, dar Consorzio dei Comuni Trentini un Trentino Digitale, hãm inngerichtet di nåing sistemi vo zertifikation.

Von estn von herbestmånat makma nemear nützan, azó azpe ’z iz khent khött ettlane vert in di lestn månat, da Sicharkart, sistèm innzogiana in di öffentle servitzi online. Vodar sèlln data vort, di trianar muchan hãm odar in Spid odar di CPS/Gesunthait kart.

**Spid: bia ma nützten un bia ma vorsten å.**

Spid (öffentle sistèm vo didjital identitét) iz bazda hatt inngerichtet dar belese Governo zo giana inn in di servitzi online vodar belese öffentle vüarum, pittnar uantzegen didjital identitét, boma mage nützan von komputer, tablet un smartphone.

Zo haba di credenzialn vor in Spid, muchtma gian kan an djestor vo didjital identitét darkhennt vodar Agenzia vor ’z didjital Beleschlånt (Agid). In Trentino, makkma vorsan in Spid in di provintzal büro un in zèrte Kamoünder o.

Vorma vorst zo schraibase inn in Spid, online odar in di büro, muchtma hãm viar sachandar:

- an dokument zo gebase zo darkhenna (identitètkart, passapòrt, patente);

- gesunthaitkart odar fiskalkart;
- a e-mail darsoinen;
- an telefonì darsoinen.

Ma mase innschraim in Spid vodar sait vodar Autonome Provintz vo Tria, boda soim nidargeschribet alle di sachandar zo macha nå un nå, un boda iz di lista von büro Spid-Lepida von Trentino:

<https://www.provincia.tn.it/Servizi/Richiedere-SPID>.

**Übarsetzt von Türle afta Zimbarzung von Kamou vo Lusérn**

(Traduzione a cura dello Sportello linguistico del Comune di Luserna)

(cdt)